

ՍԱՄՈՒԽԱՅԻ ՄԱՅՐ ԴԻՑՈՒՅՈՒ  
ՊԱՇՏԱՄՈՒՆՔԻ ԱԿՈՒՆՔՆԵՐԸ

ՍԱՐԳԻՍ ՊԵՏՐՈՍՅԱՆ

Խեթ թագավորների և թագուհիների պաշտելի դիցուհիներից մեկը Սամուխա քաղաքի <sup>1</sup>INANNA-ն էր<sup>1</sup>: Սամուխան (<sup>m</sup> Sa-mu-ha), գտնվելով բուն խեթական տարածքներից արևելք<sup>2</sup>, կուվախնձոր է եղել խեթերի և նրանց արևելյան և հյուսիսարևելյան հարևանների միջև: Մ.թ.ա. XV–XIV դդ. սահմանադրված այն գտնվում էր Հայաստ – Ադրի կաղմում<sup>3</sup>, որի կողմից հավանաբար գրավվել էր մ.թ.ա. XV դ. վերջին, երբ դաշնակից երկրների և ցեղերի մի մեծ խմբավորում հարձակվել էր խեթական թագավորության վրա: Ավելի ուշ խեթ թագավոր Խաթասիլի III-ը (մ.թ.ա. 1289–1265 թթ.) արձանագրել է. «Դրսից՝ Ադրից, հայտնվեց թշնամին, ավերեց ամբողջ Վերին երկրները և Սամուխա քաղաքը գարձրեց իր սահմանը»<sup>4</sup>: Ա. Գյոցեն նշում է, որ խեթ-ադրիական սահմանն անցել է «Վերին երկրով», որտեղ և գտնվել է Սամուխան<sup>5</sup>: Սամուխայի տեղագրության ճշգրտումը կարևորվում է նրա դիցուհու պաշտամունքի ակունքների բացահայտման տեսանկյունից:

Ջ. Գարսթանգի և Օ. Գարնիի համատեղ աշխատության մեջ Սամուխան, համարվելով «Վերին երկիր» մայրաքաղաքը<sup>6</sup>, տեղագրվում է Հալիս (Կրզըլըրմաք) գետի վերնագավառում<sup>7</sup>: Օ. Գարնին, այս հարցում կասկածներ ունենալով, հարցականով փորձում է Սամուխան նույնացնել հետագա Մալաթիայի հետ<sup>8</sup>: Ի. Մ. Դյակոնովը, քիչ հավանական համարելով Սամուխայի Հալիսյան տեղագրությունը (գետի վերնագավառում), հակված է այն որոնելու Գալլ գետի (Քելքիթ) ավերին<sup>9</sup>: Հ.Մանանգյանը Սամուխան տեղագրելով Արևմտյան Եփրատի մեծ գալարից հյուսիս, երբ գետը փոխե-

<sup>1</sup> «Keilschrifturkunden aus Boghazkoi» (այսուհետև՝ KUB), Staaliche Museum zu Berlin, Vorderasiatische Abt., Hf. 1-30, Berlin, 1923-1939, XII, 5, I, 11-12, XXIX, 7, I, 7-18, XXXII, 130, I, 1-13.

<sup>2</sup> KUB, I, I, IV, 2-3, XI, 11, I, 10, XIX, 11, I, 10, XXXII, 130, I, 1: «Keilschrifttexte aus Boghazkoi» (այսուհետև՝ KBo), Wissenschaftliche Veröffentlichung der Deutschen Orient Gesellschaft, Leipzig – Berlin, 1916-1926, III, 4, III, 45, VI, 29, II, 20, VI, 29, II, 28.

<sup>3</sup> KBo, VI, 28, I, 11-12: A. G o t z e. Kizzuwatna and the Problem of Hittite Geography. – «Yale Oriental Series», New Haven, 1940, p. 21; Օ. Ք. Գ ր ն ի. Хетты. М., 1987, с. 28. <sup>4</sup>KBo, VI, 28, I, 11-12.

<sup>5</sup>A. G o t z e. Նշվ. աշխ., էջ 21-22.

<sup>6</sup>J. G a r s t a n g and O. R. G u r n e y. The Geography of the Hittite Empire. London, 1959, p. 33.

<sup>7</sup>Նույն տեղում, էջ 35-36:

<sup>8</sup>Օ. Ք. Գ ր ն ի. Նշվ. աշխ., էջ 121:

<sup>9</sup>И. М. Д ь я к о н о в. Предыстория армянского народа. Ереван, 1968, с. 36, 82, пр. 16.

յով իր արևմտյան ընթացքը շրջվում է հարավ-արևելք, այն նույնացնում է ուշ ժամանակների Չեմուխա բնակավայրի հետ<sup>10</sup>: Վ. Խաչատրյանի կարծիքով, Սամուխան գտնվել է Արմտանի (Արմուղան) մոտ<sup>11</sup>:

Հ. Մանանդյանի և Վ. Խաչատրյանի առաջարկած տեղագրությունը հավանական է այնքանով, որ խեթական արձանագրություններից մեկում Սամուխան հիշատակված է Արևմտյան Եփրատի հոսանքն ի վայր՝ Բիտիյարի դա բնակավայրից հետո, իսկ վերջինս հիշատակվում է Խախա բնակավայրի հետ<sup>12</sup>: Բիտիյարի դան հետագա Բթաուիճն է՝ Երզնկայից հարավ-արևելք<sup>13</sup>, իսկ Խախան հետագա Խախն է՝ Երզնկայից արևմուտք<sup>14</sup>: Ուրեմն, Արևմտյան Եփրատի հոսանքն ի վայր ընթանալով միայն կարելի էր հասնել Սամուխա: Կարծում ենք, որ Սամուխայի տեղագրությունը Արևմտյան Եփրատի մեծ գալարից հյուսիս՝ հետագա Մեծ Հայքի Աղյուն (ուշ շրջանում՝ Արմտան, Ղուրուջայ)<sup>15</sup> դավառի տարածքում, կասկած չի հարուցում: Ռադամավարական տեսակետից կարևոր նշանակություն ունեցող այս տարածքը խեթերի համար հենակետ էր ծառայում դեպի հյուսիս՝ արևելապոնտական կասկերի, և դեպի արևելք՝ Հայաստ-Ագիլի դեմ արշավելու համար<sup>16</sup>: Ըստ Հ. Մանանդյանի, խեթերի մղած ռազմական գործողությունները, որոնց նպատակը եղել է Սամուխային տիրանալը, մղվել է Կամախի (Քեմախ) և Տևրիկի (Դիվրիգի) միջև<sup>17</sup>:

Սամուխայի "INANNA դիցուհուն, շումերաքաղական համագրումներից ելնելով, կոչում են «Սամուխայի Իշտար»<sup>18</sup> և որպես Իշտար դիցուհուն նույնացնում են կամ խառնիական Սաուսկա դիցուհուն<sup>19</sup> կամ դարձյալ խուռնիական համարվող Խեսլատ դիցուհուն հետ<sup>20</sup>, իսկ Սամուխայի դիցուհու պաշտամունքը, դրա «հիման» վրա համարում են խուռնիական<sup>21</sup>: Սամուխայի դիցուհու «խուռնիականությունը» ոչնչով ասպեցուցված չէ: "INANNA դավալարագրի տակ հանդես եկած Հայկական լեռնաշխարհի այս դիցուհուն օժտված է եղել այնպիսի ֆունկցիաներով, որոնք հատուկ էին նաև այդ նույն դավալարագրի տակ հանդես եկած Հայկական լեռնաշ-

<sup>10</sup> Я. М а н а н д я н. О некоторых спорных проблемах истории и географии Древней Армении. Ереван, 1956, с. 77, 116.

<sup>11</sup> В. Х а ч а т р я н. Восточные провинции Хеттской империи. — "Вопросы топонимики". Ереван, 1971, с. 60, 95, 142, 145. Ավելի ուշ Վ. Խաչատրյանը ևս նույնացրեց Սամուխան հետագայի Չեմուխի հետ: Տե՛ս Վ. Խաչատրյան. Հայաստանը մ.թ.ա. XV—VIII դարերում (Հայոց հին պատմություն). Երևան, 1998, էջ 54:

<sup>12</sup> КВо, III, 6, II, 5-8.

<sup>13</sup> Гр. К а п а н ц я н. Историко-лингвистические работы к начальной истории армян. — "Древняя Малая Азия". Ереван, 1956, с. 91-92; Я. М а н а н д я н. Նշվ. աշխ., էջ 90, 112, В. Х а ч а т р я н. Նշվ. աշխ., էջ 54-55, 65:

<sup>14</sup> В. Х а ч а т р я н. Նշվ. աշխ., էջ 53-54, 87:

<sup>15</sup> Ս. Ե Ր Ե Մ Յ Ա Ն. Հայաստանը ըստ «Աշխարհացույց»-ի. Երևան, 1963, էջ 33, 106:

<sup>16</sup> Ն. Ա դ ո ն ց. Հայաստանի պատմություն. Երևան, 1972, էջ 34, И. М. Д ь я к о - н о в. Նշվ. աշխ., էջ 90:

<sup>17</sup> Я. М а н а н д я н. Նշվ. աշխ., էջ 115-116:

<sup>18</sup> О. Р. Г е р н и. Նշվ. աշխ., էջ 36, 155, 156:

<sup>19</sup> Նույն տեղում, էջ 122, 127: М. Х а ч и к я н. Шавушка. — В. кн.: "Мифы народов мира" (академик МНМ), т. II, М., 1988, с. 636.

<sup>20</sup> О. Р. Г е р н и. Նշվ. աշխ., էջ 121:

<sup>21</sup> И. М. Д ь я к о н о в. Նշվ. աշխ., էջ 83, ծան. 17:

խարհի մյուս շրջանների դիցուհիներին՝ մասնավորապես հայաստականին<sup>22</sup> և իսուվականին<sup>23</sup>: Իսկ դրանք Մայր դիցուհիներ էին<sup>24</sup> և որպես այդպիսիք զուգահեռներն են առաջավորասիական շատ մայր դիցուհիների, մասնավանդ մեր հեթանոսական Անահիտի:

Հայտնի է, որ Անահիտ դիցուհու պաշտամունքի գլխավոր օջախը հին Հայաստանում եղել է հունահռոմեական աղբյուրներում 'Ακλισηνη//Acilisenae կոչված նահանգը, որը ներառել է ոչ միայն նույնանուն եկեղիք//եկեղեաց գավառը, այլև Արևմտյան Եփրատի միջին հոսանքի շրջանում գտնվող մյուս գավառները՝ զետի մեծ գալարից հյուսիս տարածված Աղյուն գավառը ներառյալ<sup>25</sup>: Այս տարածքը դիցուհու անունով նույնիսկ կոչվել է Անահտական/ή' Ανατιδος χωρα. Իսկ դրա հյուսիսային սահմանագլխին գտնվող լեռը՝ Աթոռ Անահտայ<sup>26</sup>: Կ. Մելիք-Փաշայանը հակված է անգամ Ակիլիսենե//եկեղիքը համարելու Անահիտի պաշտամունքի ձևավորման օջախը, որտեղից, նրա կարծիքով, այն տարածվել է մի կողմից դեպի հարավ՝ Տարոն-Սասուն-Վասպուրական, մյուս կողմից դեպի արևելք՝ Այրարատ-Սյունիք և այլուր<sup>27</sup>: Ծիշտ է հելլենիզմի դարաշրջանում Անահիտը նույնացվում էր հունական Արտեմիսի հետ, որը Մայր դիցուհի էր Հունաստանում, բայց այդպիսին էր Փոքր Ասիայում (օրինակ, Եփեսոսի Արտեմիսը): Պատահական է, որ Արևմտյան Եփրատի ավազանում պաշտված Անահիտին Պլուտարքոսը «պարսկական Արտեմիս» է կոչում՝ շեշտելու համար նրա նախահելլենիստական բնույթը և տարբերությունը բուն հունական Արտեմիսից: Լուկուլոսի հռոմեական բանակի ներխուժումը Մեծ Հայք նա սկսում է հետևյալ դրվագի նկարագրությամբ. «Այդ տեղերում արածում էին պարսկական Արտեմիսին նվիրաբերված երինջներ, իսկ նրան Եփրատի այն կողմում բնակվող բարբարոսները (Մեծ Հայքի հայերը – Ս. Պ.) պաշտում են բոլոր աստվածություններից ավելի: Այդ երինջները նախատեսված են միայն զոհաբերությունների համար. դիցուհու ջահաձև խարանով նրանք ազատ շրջում են մարզում և, հարկ եղած դեպքում, նրանցից մեկին բռնելը քիչ ջանքեր էի պահանջում»<sup>28</sup>:

Հանրահայտ փաստ է, որ հայ ժողովրդական հավատալիքներում քրիստոնեական Աստվածածինը հանդես է բերում իր նախորդ Անահիտ դիցուհուն բնորոշ շատ գծեր: Հին Ակիլիսենեի տարածքում գտնվող ուշ ժամա-

<sup>22</sup> KUB, XXVI, 39, IV, 26.

<sup>23</sup> KUB, VI, 45, II, 64.

<sup>24</sup> Ս. Պ ե տ ռ ո ս ե ա ն. Հին Հայոց եռամասն ամսուայ խորհուրդը. «Հանդես ամսօրյա», Վիեննա, 1996, էջ 420-432: Հմմտ. В. И. А в д и е в. История Древнего Востока. Л., 1953, с. 106.

<sup>25</sup> Н. А д о н ц. Армения в эпоху Юстиниана. Изд. второе. Ереван, 1971, с. 54-55; Հ. Մ ա ն ա ն դ յ ա ն. Հին Հայաստանի գլխավոր ճանապարհները ըստ Պետրոս-դերվան քարտեզի. Երևան, 1936, էջ 71, Ս. Ե Ր Ե Մ Յ ա ն. Նշվ. աշխ., էջ 50:

<sup>26</sup> Ս. Կ Ր Կ Յ ա շ ա Ր Յ ա ն. Հին Հայաստանի և Փոքր Ասիայի քաղաքների պատմության դրվագներ. Երևան, 1970, էջ 151, Գ. Ս ա Ր Դ ս Յ ա ն. Հելլենիստական դարաշրջանի Հայաստանը և Մովսես Խորենացին. Երևան, 1966, էջ 237, Հայ ժողովրդի պատմություն. Հ. 1, Երևան, 1971, էջ 14, 26:

<sup>27</sup> Կ. Մ ե լ ի ք - Փ ա շ ա յ ա ն. Անահիտ դիցուհու պաշտամունքը. Երևան, 1963, էջ 114:

<sup>28</sup> P l u t., Lucull., XXIV.



նակների կամախի գավառը XIX դ. վերջին ուներ դեռևս գործող 22 եկեղեցիներ և վանքեր, որոնցից 13-ը կրում էին Սուրբ Աստվածածնի անունը<sup>29</sup>: Գալատում կար նաև նույն անունով ուխտասեղի<sup>30</sup>: Անշուշտ, տեղական Աստվածածնի պաշտամունքը սլարոնակելու էր ինչպես Անահիտ դիցուհու, այնպես էլ նրա տեղական նախորդ Մայր դիցուհու պաշտամունքից եկող քաղաքիչներ: Իսկ դա լինելու էր տեղական այն դիցուհին, որի պաշտամունքը տարածված է եղել ոչ միայն Սամուխայում (ճիշտ է, գլխավոր կենտրոնը Սամուխան էր), այլ նաև շրջակա մարզերում մասնավորապես<sup>31</sup> *Ḫanhana* կոչված երկրում<sup>31</sup>:

*Ḫanhana* երկիրը կամ համարում են ինքնական թագավորության բուն մարզերից մեկը<sup>32</sup>, կամ տեղադրում հետագա Եկեղիքի տարածքում<sup>33</sup>: Մեր կարծիքով, այն պետք է տեղադրել հետագա Դարանաղիում, որի ամրոց-սրբավայրը կոչվում էր *Թե' Անի*<sup>34</sup>, *Թե' Հանի*<sup>35</sup>: Սեպաղրային *Ḫan-hana* տեղանվան նույնական երկու բաղադրիչներն էլ, Անի//Հանի տեղանվան նման (<Ան-ի//Հան-ի), իրենց հիմքում ունեն հայերեն Հան//Հանի «մեծ մայր, տատ» բառը: Սրա հնդեվրոպական \*an-//\*Han- նախածին է ընկած աղբյուրից լեզուների հետևյալ բառերի հիմքում՝ խեթ. *hannas/hannu*, հուն. *ἄννις*, աֆղ. *ana*, պրուս. *ane*, հբգ. *ana* «տատ», լատին. *anus* «պառավ», «դուշակուհի» և այլն<sup>36</sup>:

Հնդեվրոպական \*an-//\*Han- արմատից ծագած բառերի դիցանվանական կիրառման տեսանկյունից հմտ. խեթական Մայր դիցուհիներից մեկի *Ḫanna-hanna* (<\*hanna «տատ» + \*hanna «տատ») անունը<sup>37</sup> և Անահիտ դիցուհու մեկ ուրիշ՝ Անի, անունը<sup>38</sup>: Անի//\*Հանի անունը կրած դիցուհու և Անի//Հանի քաղաքի նախնական փոխադարձ կասլի տեսանկյունից ուշագրավ է մեր պատմահոր այն վկայությունը, ըստ որի, մինչև Եկեղեցի գավառի Երիզա ավանում հաստատվելը Անահիտ//Արտեմիսի կուռքը (Արամագը//Ջեսի, Նանե//Աթենասի, Աստղիկ//Ափրոդիտի և Միհր//Հեփոստոսի կուռքերի հետ միասին) հանգրվան է ունեցել Դարանաղի գավառի

<sup>29</sup> Գ. Սրվանձտյան ց. Երկեր. Հ. II, Երևան, 1982, էջ 476, 493-494:

<sup>30</sup> Հակոբ Մնձուրի. Երկեր. Երևան, 1986, էջ 422:

<sup>31</sup> KUB. V. I. I. 86; XXII, 25. I. 25; KBo. VI. 29. I. 27.

<sup>32</sup> A. G ö t z e. Kleinasien zur Hethiterzeit. Heidelberg, 1924, S. 7, 13.

<sup>33</sup> В. Х а ч а т у р я н. Նշվ. աշխ., էջ 50-54:

<sup>34</sup> Ա գ ա թ ա ն գ ե դ ո ս, ՃԹ, 785, Բ ու գ ա ն դ, Գ, ժա, Դ, իդ. Խ ո Ր Ե ն ա ց ի, Բ, ժբ, ժգ, լը, ծդ, կզ, Հէ, Գ, ժ, իե:

<sup>35</sup> Խ ո Ր Ե ն ա ց ի, Բ, խը, Գ, իե:

<sup>36</sup> Հ. Ա ճ ա ո յ ա ն. Հայերեն արմատական բառարան. Հ. III, Երևան, 1977, էջ 33, T. B. Г а м к р е л и д з е, В. В. И в а н о в. Индоевропейский язык и индоевропейцы. Т. II, Тбилиси, 1984, с. 766.

<sup>37</sup> T. B. Г а м к р е л и д з е, В. В. И в а н о в. Նշվ. աշխ., Հ. II, էջ 605, 766:

<sup>38</sup> Վերջինս ունեցել է իր Անեայ, Անէիդ, Անիի տարբերակները (Ղ. Ա լ ի շ ա ն. Հայոց Հին Հավատքը կամ Հեթանոսական կրոնը, Երևան, 2002, էջ 137-138): Միևնույն աստվածությունը արված տարբեր, հաճախ տարածադրում, անունների վերաբերյալ Կ. Մելիք-Փաշայանը դրում է. «Տվյալ դեպքում դիցական անունները մեզ համար ստանում են ձևական, երկրորդական նշանակություն: Դրանք կարելի է ասել, սոսկ տեղական պիտակներն էին մի րնդհանուր, ունիվերսալ բնույթ կրող պաշտամունքի իր զարգացման տարբեր փուլերում» (Կ. Մ ե լ ի ք - Փ ա շ ա յ ա ն. Նշվ. աշխ., էջ 86):

Անի ամրոցում<sup>39</sup>: Անի/Հանի սեղանվան դիցանվանական ծագման՝ Մայր դիցուհու անունից ծագած լինելու, մասին կարող է վկայել նաև Հայաստանի ցեղապետ - արքա և խեթ թագավոր Մուրսիլի II-ի (մ.թ.ա. 1315-1315թթ) հակառակորդ Անիյայի անունը: Խեթական արձանագրություններում նա կոչվում է կամ «Անիյա՝ թագավոր Ազիի» (Մ.Մու-յա LUGUL<sup>39</sup> Az-zi)<sup>40</sup>, կամ «Անիյաս՝ կառավարիչ Ազիի» (Մ.Մու-յա-ս EN<sup>39</sup> Az-zi)<sup>41</sup> (Հմմտ. Հունական Մայր դիցուհու Διμήτριο/Δήμητρα անունից սերած Διμήτριος արական անձնանունը): Ըստ երևույթին, Անիյան, ցեղապետ-արքա լինելով հանդերձ, եղել է նաև քրմապետ՝ Մայր դիցուհի Անիի քուրմ:

Աշխարհի շատ ժողովուրդների առասպելաբանություններում առյուծի կերպարը օժտված է յուրօրինակ իմաստաբանական ծանրաբեռնվածություններով: Նա թե՛ մայրություն խորհրդանշիչ է, թե՛ կենդանական դրսևորումներից է շատ Մայր դիցուհիների, թե՛ մարմնավորումն է ցանկասիրություն<sup>42</sup>: Առյուծի կերպարի մայրության խորհրդանշիչը լինելու մասին է խոսում առասպելաբանական հենք ունեցող հայկական «Առուծեն սրղան» հեքիաթը: Մոր կողմից անտառում լքված ծծկեր երեխային տեր է կանգնում նոր ծննդաբերած առյուծը: Եվ երբ «Առուծը մուտացավ, խոխան չըրքթաթ տալավ բրդա առուծը քլընաց, սկսեց առուծին կաթնը ծծել: Տհենց էլ առուծը ամեն օր էտ համան վախտը կյալիս ար, էտ խուխեն ծրեծ տալիս...»<sup>43</sup> Խոխան կանոխ մըծացավ: Առողճ ար, շատ օժավ ար, ամամ մըխրեգյ մըզմագոտ ար, ընդրա հետե, վար վիրի հեյվանու կաթնը ար ծըծալ»<sup>44</sup>: Էգ առյուծի նախատիպ կերպարից անցումը մարդակերպ Մայր դիցուհու կերպարին<sup>45</sup>, առասպելաբանական պատկերացումներում միանդամից տեղի էի ունեցել: Ընթացքում ստեղծվել են անցողիկ փուլին բնորոշ բազմատեսակ միքսանտրոպիկ կերպարներ<sup>46</sup>, որոնք ինքնուրույն դառնալով հանդերձ իրենց գոյությունը ամբողջացնում էին Մայր դիցուհու բազմաշերտ ու բազմաբնույթ պաշտամունքը: Հայկական լեոնաշխարհի ու ըրարտական դարաշրջանի պաշտամունքը տալիս է նման մի շարք օրինակներ: Հատկապես ուշագրավ է գահի բրոնզե մաս հանդիսացած և էլմի-

<sup>39</sup> Խ ո Ր Ի Ն Ա Յ Ի, Բ, Ժբ, Ժդ (Հմմտ. Ա դ ա թ ա ն Կ ե ղ ո ս, Ե, 48, ձԹ, 785, ձԹ, 786, ձԺ, 790, ձԺԿ, 809):

<sup>40</sup> КВс, III, 4, III, 93.

<sup>41</sup> КUB. XXVI, 79, I, 18. Հմմտ. Հայկական լեոնաշխարհի «երկրներից» Խասուվայի առաջնորդ Hani-ի անունը (Г. Г. Г и о р г а д з е. Хетты и хурриты по Древнехеттским источникам. — "Вестник древней истории", 1969, № 1, с. 78):

<sup>42</sup> В. В. И в а н о в, В. Н. Т о п о р о в. Лев. — МНМ, т. II, с. 41.

<sup>43</sup> Հայ ժողովրդական հեքիաթներ. հ. V, Երևան, 1966, էջ 362-382:

<sup>44</sup> Նույն տեղում, էջ 375:

<sup>45</sup> Հմմտ. Ապոլոնի կենդանական-տոտեմական նախատիպ դայլը, Աթենասի՝ բուն և օձը, Արտեմիսի՝ արջը, Հերայի՝ կովը և այլն (А. А. Т а х о - Г о д и. Греческая мифология. М., 1989, с. 28-29):

<sup>46</sup> Դրանցից էին, օրինակ, Հունական առասպելաբանությունից Հայտնի այնպիսի կերպարներ, ինչպիսիք էին Կենտավրոսը, Սֆինքսը, էքիդնան և այլն (А. А. Т а х о - Г о д и. Նշվ. աշխ., էջ 25, 39-40):

տաժուժ պահվող արձանիկը, որը ներկայացնում է թևավոր կին-առյուծ<sup>47</sup>: Նրա կրծքին մահիկաձև մանյակ է (հմմտ. Անահիտ/Լուսին), իսկ աջ ուսին վարդյակաձև զարդ (հմմտ. Աստղիկ/Լուսաբեր խորհրդանիշը վարդյակ): Հնագույն Փոքր Ասիայի Մայր դիցուհին պատկերվում էր նաև կարճ, կատվի ականջներով, որոնք, ըստ Ե. Վ. Անտոնովայի, վկայում են ինչպես դիցուհու և ընձառյուծի կապի, այնպես էլ Մայր դիցուհու նաև ընձառյուծի տեսքով հանդես գալու մասին<sup>48</sup>:



Ուրարտական դարաշրջանի բրոնզե արձանիկ



Քանդակապատկեր Երզնկայի մոտերում

Առյուծի և մարդակերպ դիցուհու առանձին-առանձին կերպարների ստեղծումից հետո առյուծը համարվում էր Մայր դիցուհու սրբազան կենդանին և շատ հաճախ պատկերվում էր իր տիրուհու հետ: Վ.Վ. Իվանովը ընձառյուծի խեթական պաշտամունքի ակունքները որոնում է վոքրասիական Չաթալ-Հյուլյուքի նորքարեդարյան մշակույթում<sup>49</sup>, որի և նմանատիպ Հաջիլսուր հնավայրի Մայր դիցուհիները սլատկերվում էին ընձառյուծների ուղեկցությամբ<sup>50</sup>: Բողաղքյոյի խեթական տաճարից սլեզված արձանիկը դիցուհուն սլատկերում է թևավոր առյուծի կամ արծվառյուծի վրա հանդիպող պավանդանին բազմաժամ<sup>51</sup>:

Այս նույն ուղին է անցել նաև Սամուխյի Մայր դիցուհու կերպարը: Նրա վերաբերյալ Օ. Գարնին գրում է. «Սուռուհական իշտարին երկրպագում էին Սամուխյում և Տավրոսի շրջանի ուրիշ մի շարք քաղաքներում: Սաթուսիլի III թագավորը նրան էր բնորել իր հովանավորուհի, իսկ թագավորի, այսպես կոչված, «Ինքնակենսագրությունը» ձեռնարկ էր նրան: Դիցուհուն սլատկերում էին թևավոր, առյուծի վրա և նրան կարելի է ճանաչել հանձին մի քանի կնիքների և այլ հուշարձանների վրայի թևավոր դիցուհու»<sup>52</sup>: Ասորեստանի Ասարհադդոն թագավորի (մ.թ.ա. 680–669թթ.) Շուրբրիա//Աղձնիքի թագավորին հղած նամակում կարելի է հանդիպել

<sup>47</sup> Б. Б. П и о т р о в с к и й. Искусство Урарту. VIII-VI вв. до н.э. Л., 1962, с. 48-49, рис. 18.

<sup>48</sup> Е. В. А н т о н о в а. О характере религиозных представлений неолитических обитателей Анатолии. — "Культура и искусство народов Средней Азии в древности и средневековье". М., 1979, с. 31.

<sup>49</sup> В. В. И в а н о в. Разыскание в области анатолийского языкознания. 3-8. — "Этимология 1976", М., 1978, с. 154-155.

<sup>50</sup> Е. В. А н т о н о в а. Նշվ. աշխ., էջ 30:

<sup>51</sup> Օ. Ք. Գ ր ն ի. Նշվ. աշխ., էջ 133:

<sup>52</sup> Նույն աղբյուր, էջ 122:



այսպիսի տողերի. «Հրամայիր մունեստիկին կանչել քո երկրում գտնվող այդ մարդկանց: Հավաքիր նրանց: Ոչ մի տղամարդու չթողնես և (...) էգ առյուծի առջև, մեծ տիկնոջ պարտադրիր նրանց գնալ տաճար»<sup>53</sup>: Ս. Հմայակյանի կարծիքով «էգ առյուծ» և «մեծ տիկին» կոչված Շուբրիայի գլխավոր դիցուհին Կյուբելեն է<sup>54</sup>: Քաջ հայտնի է Կյուբելեի և առյուծի կերպարների սերտ կապը ևս: Դիցուհին հաճախ պատկերվում էր առյուծներ լծված կառքով<sup>55</sup>:

Առասպելաբանական մտածողութամբ առյուծը սերտ կապ ուներ ուրիշ դիցուհիների՝ եփեսոսյան Արտեմիսի, Հեկատայի, Ատլանտայի, Ռեայի և այլոց հետ<sup>56</sup>: Հունական Արտեմիսը միկենյան արվեստում պատկերված է առյուծներով շրջապատված: Նրա հայտնի մակդիրներից էր «գազանների տիրուհի»-ն, իսկ Հոմերոսը նրան ուղղակի «առյուծ» (λέων) է կոչում<sup>57</sup>: Հին Միջին Ասիայում ևս իրանական Մայր դիցուհու և առյուծի պաշտամունքները հաճախ հանդես էին գալիս միաձույլ: Ս. Պ. Տոլստովը զուգահեռ է տեսնում առյուծի վրա պատկերված խեթական դիցուհու և խորեզմյան կնիքներին պատկերված այն հզոր դիցուհու միջև, որը թագակիր է, ձեռքերին ունի մական, արևի ու լուսնի խորհրդանիշեր և հենված է առյուծի կամ ընձառյուծի վրա<sup>58</sup>: Առյուծը սրբազան կենդանին էր նաև խուռիների կողմից պաշտված Սաուսկայի և Խեպատի<sup>59</sup>: Նույնը կարելի է ասել նաև աքքադական-ասորեստանյան Իշտարի մասին, որը կրում էր «ամենի առյուծ» մակդիրը<sup>60</sup>: Համեմատաբար հեռու կանգնած զուգահեռներից հիշենք քանաանա-ամորեական qds դիցուհուն, որը, սիրո և պտղաբերության անձնավորումը լինելով հանդերձ, պատկերվում էր մերկամարմին և առյուծի վրա<sup>61</sup>: Եգիպտական մի քանի դիցուհիներ ևս սերտ կապի մեջ էին առյուծի հետ, իսկ գայրուլթի պահին (օրինակ նրանցից Տեֆնուտը) դառնում էին կատաղի առյուծներ<sup>62</sup>:

Առյուծի և մյուս կատվազգի գիշատիչների պաշտամունքը խոր հնադարից սկսած գոյություն ուներ նաև Հայկական լեռնաշխարհում, մասնավորապես որ այստեղ ևս քիչ էր գրանց թիվը: «Աշխարհացույցը» Մոսկովի և շրջակայքի համար վկայում է. «Ունի Չորրորդ Հայք երէս եւ հաւս, եւ ի գազանաց գառեւծ»<sup>63</sup>: Առյուծի պաշտամունքի հնագույն օջախներից մեկը

<sup>53</sup> Ս. Հ մ ա յ ա կ յ ա ն. Վանի թագավորության պետական կրոնը. Երևան, 1990, էջ 43:

<sup>54</sup> Նույն տեղում, էջ 43-44:

<sup>55</sup> E. B. Антонова. Նշվ. աշխ., էջ 27:

<sup>56</sup> B. B. Иванов, B. H. Топоров. Նշվ. աշխ., հ. II, էջ 41: Ռեան ոչ միայն շրջում էր առյուծներ լծված կառքով, այլև կրում էր Λεοντοόφιρος «Առյուծակառք (բազմած)» մակդիրը (Anthologia Palatina, "Древнегреческо-русский словарь", т. I, М., 1958, с. 1019):

<sup>57</sup> T. B. Гамкрелидзе, B. B. Иванов. Նշվ. աշխ., հ. II, էջ 509:

<sup>58</sup> С. П. Толстов. Древний Хорезм. М., 1948, с. 200-201.

<sup>59</sup> O. P. Герни. Նշվ. աշխ., էջ 121, M. X а ч и к я н. Նշվ. աշխ., հ. II, էջ 636:

<sup>60</sup> B. K. Афанасьева, И. М. Дьяконов. Иштар. — "Мифологический словарь", М., 1991, с. 263.

<sup>61</sup> И. Ш. Шифман. Кадшугу. — МНМ, т. II, с. 21.

<sup>62</sup> B. B. Иванов, B. H. Топоров. Նշվ. աշխ., հ. II, էջ 42:

<sup>63</sup> Ս. Ե Ր Ե Մ Յ ա ն. Նշվ. աշխ., էջ 107:

լինելու էր Արևմտյան Եփրատի մեծ գալարից հյուսիս գտնվող այն ժայռախումբը, որի հետևյալ նկարագրությունն է անում Հակոբ Մնձուրին. «Ամրաբարի դիմացը, գետին ձախը, այսինքն՝ իննըսունինին զառիվերը ու անոր բարձունքը Ղափլան Ղայասին կա: Գետափեն մինչև զառավերին գաղաթը իննըսունինը քայլ է, ասիկե ալ անունը տված են: Ապառաժներ են: Մեկը՝ ամենամեծը, կատաղի վազրի մը կնմանի, որ բերանը բացեր է»<sup>64</sup>:

Ղափլան-Ղայասի//Karlan – Kayasi թուրքերեն նշանակում է «Վազրի ժայռ», բայց հայտնի է, որ Հայկական լեռնաշխարհում վազրեր չեն եղել: Ըստ երևույթին, խոսքը հին հայերի կողմից էր առյուծ ընկալված ժայռի մասին է: Արևմտաեփրատյան գավառներից ամենից արևմուտք ընկածը Արմասան//Ղուրուչային համընկնող Աղիւն և Առիւծ կոչված գավառն էր<sup>65</sup>: Այս անունը՝ Ալսֆղ ձևով վկայված է դեռևս «Իլիականում» (II, 856). «Իսկ զորքերին Հալիդոնի - Էպիսթրոփոսն և Օլիոսը/ Բերել էին Ալիբեից, որտեղ ծնունդ կա արծաթի»<sup>66</sup>: Հուն.՝ Ալսֆղ < \*Ալիւ-// \*Աղիւ-ն, իսկ Աղիւն գավառին արևմուտքից հարում էր Հալիսի ակունքների շրջանը, որի անունով էլ (ոչ թե հակառակը)<sup>67</sup> Հալիդոններ են կոչվել տեղի բնակիչները. Ալեξωνες// Ալեξωνες < \*hali-zon: Աղյուն/Աղիւն և Առիւծ կոչված գավառի կենտրոնն էր հունահռոմեական աղբյուրներում վկայված Analiñna-ն<sup>68</sup>, որը բյուզանդական մատենագրությունների մեջ հիշատակված Ἀναλιβόξωρα// \*Ան-ալիւն-ա-ձուր ամրոցն է՝ ներկայիս Ղուրուչայ գյուղը<sup>69</sup>: Հունահռոմեական, բյուզանդական և հայկական հիշյալ անվանաձևերի համագրումից պարզվում է, որ դրանց առաջին բաղադրիչը ունեցել է \*ան- տեսքը, իսկ երկրորդը՝ \*աղիւն// \*ալիւն տեսքը: Ըստ այսմ, այն ենթադրությունը, թե Analiñna-ն «անի-ացիներ» է նշանակում, այն էլ հայերեն -ք-ի համարժեք վրացերեն -բ հոգնակիակերտի հավելումով<sup>70</sup>, անհավանական է դառնում: Տեղանվան առաջին բաղադրիչը ան- տեսքն ունենալու հանգամանքը անհավանական է դարձնում նաև այն ենթադրությունը, թե դրա նախաձևը եղել է «Անի-Աղիւն», իսկ բնակավայրը այդպես է կոչվել ի տարբերություն «Անի Դարանաղեաց»-ի<sup>71</sup>:

Այս տեղանվան հունահռոմեական և բյուզանդական աղբյուրներից հայտնի տարբերակների հիմքում հնդեվրոպական \*an-// \*Han- նախաձևն է, ուստի An-alibna// \*Ան-աղիւն նշանակում է «տատիկ Աղիւն» կամ «իգական նախնի Աղիւն»: Իսկ թե ինչ է նշանակում Աղիւն-ը, ցույց է տալիս անվանակիր գավառի երկրորդ անունը՝ Առիւծ-ը: Սրա առկայությունը «Աշխարհացույցում»<sup>72</sup> իզուր է համարվում «սխալ ընթերցման

<sup>64</sup> Հ. Մ ն ձ ու ը ի. նշվ. աշխ., էջ 424:

<sup>65</sup> H. A. A. O. H. II. նշվ. աշխ., էջ 46-47, Ս. Ե ը Ե Մ յ ա ն. նշվ. աշխ., էջ 33, 35, 106:

<sup>66</sup> Հ ո մ Ե ը ո ս. Իլիական (հին հունարեն բնագրից թարգմանեց Հ. Համբարձումյան). Երևան, 1955, էջ 75:

<sup>67</sup> Հայ ժողովրդի պատմություն, հ. I, էջ 236:

<sup>68</sup> P. I. o. l., V, 6. 18; H. A. A. O. H. II. նշվ. աշխ., էջ 53, 55:

<sup>69</sup> Ս. Ե ը Ե Մ յ ա ն. նշվ. աշխ., էջ 33, 35:

<sup>70</sup> H. A. A. O. H. II. նշվ. աշխ., էջ 57:

<sup>71</sup> Ս. Ե ը Ե Մ յ ա ն. նշվ. աշխ., էջ 33:

<sup>72</sup> Ղ. Ի ն ճ ի ճ Ե ա ն. Ստորագրությունք հին Հայաստանեայց Մեծ Հայք. Վիեննայի, 1822, էջ 2, Հ. Հ ի Լ Բ Ղ մ ա ն. Հին Հայոց տեղւոյ անունները. Վիեննա, 1901, էջ 306:



Հետևանք»<sup>73</sup>: Հ.-ե. \*reiu-g'- «մունչալ» նախաձևից սերած առիւծ<sup>74</sup> բառն ստեղծվել է նշված գազանի բուն անվան թարուի ենթարկվելու պատճառով և նշանակում է «մունչացող (գազան)»: Հնդեվրոպական նախալեզվում գազանների արքան կոչվել է \*leu-: Այս նախաձևից են սերում ազգակից լեզուների հետևյալ բառերը. հուն. λεων (<\*λεων), լատին. leo (սեռ. հոլով. leonis), իսթերեն և լուվիերեն ualua-/ualui-, հին վերին գերմ. lewo «առյուծ»<sup>75</sup>: Նույն նախաձևից, հայերենի օրինաչափությունների համաձայն, ստացվելու էր \*ա-լիւ-ն//\*ա-ղիւ-ն, որից և Աղիւն/Առիւծ գավառանունը: Վերջնաձայն ն-ի համար համար. կենդանիների անունների բնորոշ -ն մասնիկի հավելումը գառն, եզն, ձուկն, մուկն և այլ բառերում:

Հնագույն հայերենում «առյուծ» նշանակող \*աղիւն (\*աղեւ//\*աղիւ//\*ալեւ) բառի գոյությունը հաստատում է նաև Մեծ Հայքի Փայտակարան նահանգի Ալեւան/Աղվան <\* Աղիւան գավառի անվան միջոցով: Գավառը դրադեցնում էր ներկայիս իրանադրեջանական սահմանին հարող տարածքը Ղարասու գետի ստորին հոսանքի և Հաշտասար լեռան միջև<sup>76</sup>: Աղեւ - ան/Ալեւ - ան բաղադրիչների բաժանվող տեղանվան ալեւ- բաղադրիչի «առյուծ» իմաստն ունենալու տեսանկյունից ուշադրություն է արժանի այս գավառի տարածքում ավելի ուշ հիշատակված Ասլանդուզ տեղանունը: Անվանակիր բնակավայրը գտնվում է Արաքսի աջափնյակում, նրա մեջ Ղարասու գետի թափվելու վայրից ոչ հեռու, ձախափնյակի Հորադիզ կայաքանի գրեթե դիմացը<sup>77</sup>: Ասլանդուզ < թրք., ասլան «առյուծ» + դուզ, դյուզ «հարթավայր»: Ալեւան անունն է կրել նաև Համդալ-լահ Հաղվինիի հիշատակած «Ալվան ռաբաթը՝ դեպի Ահար քաղաք տանող ճանապարհին»<sup>78</sup>: Ալվան -ը հայերենի օրինաչափության համաձայն, կորցրել է անշեշտ ի-ն. Ալվան <\* Ալիւան/Ալեւան, որոնցում ալիւ-//ալեւ- < Հ.-ե. \*leu - «առյուծ»: Ասլանները հիմք են տալիս պնդելու, որ հնագույն հայերենում ժամանակին գոյություն ունեցած Հ.-ե. \*!eui - «առյուծ» արմատից սերող «առյուծ» նշանակող բառը թարուի ենթարկված լինելու պատճառով հետոհետե դուրս է մղվել լեզվի ակտիվ բառապաշարից և փոխարինվել է Հ.-ե. \*reiu-g'- «մունչացող» նախաձևից սերող առիւծ//առիւծ բառով: Նույն թարուի պատճառով են հնդիրանական լեզուներում անհետացել Հ.-ե. \*leu - արմատից ծագած համապատասխան բառերը:

«Առյուծ» նշանակող \*աղեւ բառի Մայր դիցուհու պաշտամունքի հետ ունեցած սերտ կապի վերհուշն է, ըստ երևույթին, սլահում ինչպես Իահիշ (Բիթլիս) քաղաքի մոտ գտնվող Աղեւու Աստվածածին կոչված վանքի անունը<sup>79</sup>, այնպես էլ Սյունիքի Արևիկ գավառի (հետագա Մեղրու շրջանի)

<sup>73</sup> Ս. Երեմյան. նշվ. աշխ., էջ 33:

<sup>74</sup> Հ. Աճառյան. նշվ. աշխ., հ. I, Երևան, 1971, էջ 259:

<sup>75</sup> Т. В. Г а м к р е л и д з е, В. В. И в а н о в, նշվ. աշխ., հ. II, էջ 507-510:

<sup>76</sup> Ս. Երեմյան. նշվ. աշխ., էջ 32, Թ. Հակոբյան, Ստ. Մելիք - Բախչյան, Հ. Բարսեղյան. Հայաստանի և հարակից շրջանների տեղանունների բառարան (այսուհետև՝ ՏԲ). հ. I, Երևան, 1986, էջ 67:

<sup>77</sup> Նույն տեղում, էջ 335:

<sup>78</sup> Ս. Երեմյան. նշվ. աշխ., էջ 32:

<sup>79</sup> Մ. Միրախորեան. նկարագրական ուղեւորութիւն ի Հայաբնակ գաւառս Արևելեան Տաճկաստանի. մասն Ա-Գ, Կ.Պոլիս. 1884-1885, էջ 86:

Աղվանակ կամ Աղվանք կոչված գյուղատեղիի և նույն վայրում Մալե գետի ու ձորի անունները<sup>80</sup>: Աղվանակ <\*աղիւ-ան-ակ, իսկ Աղվանք <\*աղիւ-ան-ք: Գետանունը Մալե բաղադրիչների տրոհելիս, սրա երկրորդ բաղադրիչը կարելի է նույնացնել Հ.-ե. \*leu-ից սերած (առանց նախադասվածական ձայնավորի) արմատի հետ, իսկ առաջին Մա բաղադրիչը համարել Հ.-ե. \*ma- «մայրիկ» արմատից սերած դիցանունը: Օրինակ, Մայր դիցուհին նաև Mā անունով էր հայտնի թրակական, փոյուգական և փոքրասիական ցեղերին<sup>81</sup>:

Բյուզանդիայի Լևոն V Հայկազն կայսրին (813–820 թթ.) առնչվող անուններում ևս հանդիպում ենք Հ.-ե. \*leu արմատից ծագած և «առյուծ» նշանակող բառերի: Ըստ ավանդույթյան, հայազգի այս կայսեր հայրը Պարտանը կամ Պարսանը, Աղվանից աշխարհի Առուծ բերդից էր<sup>82</sup>: ՀԱճառյանն ավանդույթունը համարում է կեղծիք. «Լևոնի հայրն էր Վարդ, որ վերածել են Պարտանի և ապա Պարսամի»<sup>83</sup>: Սակայն ոչ մի ավանդույթուն առանց հիմքի չի ստեղծվում: Կարծում ենք, որ սլատահական գուղապիպումով չէ, որ Արմենիակների բանակաթեմի ղորավար Վարդ Արծրունու որդին ապագա կայսրը<sup>84</sup>, Լևոն//Λέων (<հուն. λέων «առյուծ») է կոչվել<sup>85</sup>, երբ հոր ծննդավայրը, ըստ ավանդույթյան, Աղվանից աշխարհի Առուծ//Առուծ «առյուծ» բերդն էր: Բնականաբար, Արծրունի պատրիկի հայրենիքը որոնելու ենք ոչ թե հեռավոր Աղվանք//Ալբանիայում, այլ Արծրունիների հարազատ վասսալերականում: Այստեղ Կոստերի լեռնահամակարգի լեռնաշղթաներից մեկը Աղվան (թրք. Աղվան-դաղ «Աղվան լեռ») էր կոչվում<sup>86</sup>: Կասկած չի հարուցում նաև այս Աղվան-ի «առյուծային» ստուգաբանությունը. Աղվան <\*աղիւ-ան, որտեղ -ան-ը տեղանվանակերտ վերջածանց է (Հմմտ. Դերջ-ան, Երեւ-ան, Սեւ-ան):

Սեթ թագավոր Արնուվանդա III-ի (մ.թ.ա. 1235–1215 թթ.) դեմ ապստամբած այսբեիրատյան ցեղային երկրների պարագլուխներից մեկը Հիռ-շուա քաղաքից էր (Hir-zu-ua-ta)<sup>87</sup>: Այս քաղաքի անունը նույնացնում են Անձիտ/Անդլիտեխի հետ և, ըստ այդմ, տեղադրում Ծովք//

<sup>80</sup> ՏՔ, Հ. I, էջ 197: Ա. Ա. Ա ս շ ա ն յ ա ն, Հ. Լ. Ի ր դ ե ա ը յ ա ն. Հայկական ՍՍՀ աշխարհագրական անունների համառոտ բառարան. Երևան, 1981, էջ 19, 128:

<sup>81</sup> В. Г е о р г и е в. Исследования по сравнительно-историческому языкознанию. М., 1958, с. 131. Գ. Ջ ա հ ո լ կ յ ա ն. Հայերենը և հնդեվրոպական հին լեզուները. Երևան, 1970, էջ 112: В. В. С т р у в е. История древнего Востока. Л., 1941, с. 254.

<sup>82</sup> Մ. Ուղոուրևան. Պատմութիւն Հայոց գաղթականութեան և ևկեղեցոյ նոցա ի Լևոնոնոյ քաղաքի. Վենետիկ, 1891, էջ 201–202:

<sup>83</sup> Հ. Ա ճ ա ո յ ա ն. Հայոց անձնանունների բառարան. Հ. IV, Երևան, 1948, էջ 237:

<sup>84</sup> Կ. Տ ե ը - Ս ա հ ա կ ե ա ն. Հայ կայսրք Բիւզանդիոնի. Հ. Ա, Վենետիկ. 1905, էջ 155:

<sup>85</sup> Հմմտ. ուրարտական գարաշրջանի Sinaiibi անձնանունը, որի -alibi բաղադրիչը կարելի է ընթերցել նաև \*alivi, իսկ առաջին բաղադրիչը կամ ձին բառն է «ծնունդ» իմաստով (այս դեպքում Sin-alibi//«Ծնունդ առյուծի, Առյուծածին»), կամ սին բառն է (այս դեպքում Sin-alibi//«Ցինառյուծ, Արծվառյուծ». Հմմտ. գրիֆոնի առասպելաբանական կերպարը):

<sup>86</sup> ՏՔ, Հ. I, էջ 195:

<sup>87</sup> KUB, XXIII, 72, Հե, 33.

Isuaa-ում<sup>88</sup>: Բայց պատահական և հեռավոր է դրանց հնչյունական նմանությունը: Ավելի ճիշտ կլինի Hinzuta-ն համարել այն վայրը, որտեղ հետագայում գտնվում էր Ընծայաց Ս. Աստվածածին վանքը՝ հիշատակված XIV դ. հայերեն ձեռագրերից մեկում՝ Ուռի գյուղի (Երզնկայի գավառի Կամախի շրջանում) մոտ<sup>89</sup>: Ընծայաց-ը սեռական հոլովի հոգնակին է, որի հոգնակի ուղղականը կլինի Ընծայք < \*ինծ+այ+ք, որտեղ -այ-ը վերջածանց է (Հմմտ. արք-այ, մօր-այ, ավի-ավի-այ և այլն)<sup>90</sup>: Hinzuta տեղանունը հեշտությամբ սրոհվում է Hinz- և -uta րազադրիչների: Սրանցից առաջինը ենթադրում է հայերեն \*հինծ նախածեր, որը, մեր կարծիքով, ինծ-ի ավելի հին վիճակն է արձանագրել. հ.-ե. \*sing'hi->\*հինծ>ինծ: Հմմտ. հնդկավրուպական նախալեզվի նախածայն \*s-ի որպես հ արտացոլումը համ. հին, հիմն, հուն և այլ բառերում<sup>91</sup>: Ըստ երևույթին, Hinz-/\*հինծ-ը, ի տարբերություն ինծ-ի, ոչ թե «ընծառույթ», այլ «առույթ» է նշանակել, ինչը ինծ-ի նախնական իմաստն է համարվում (Հմմտ. հին հնդկերեն simha «առույթ» <հ.-ե. \*sing h-)<sup>92</sup>: Hinzuta-ի (<\*Hinz-uta) երկրորդ բաղադրիչը – ուտ վերջածանցն է, որը որպես տեղանվանակերպ է հանդես գալիս նաև այնպիսի տեղանուններում, ինչպիսիք են բուստանուններից կերտված Խնձորուտ-ը, Կսունուտ-ը, Տանձուտ-ը և կենդանիների անուններից կերտված Արջուտ-ը, Գայլուտ-ը, Եղնուտ-ը և այլն:

Արևմտյան Եփրատի մեծ գալարի շրջանում Մայր դիցուհու պաշտամունքի առաջնային լինելու և այստեղ նրա սրբազան կենդանու անուններով կերտված տեղանունների ղոյուլթյան հանդամանքները մեզ իրավունք են տալիս վերջիններիս նկատմամբ մեր ունեցած մոտեցումը տարածելու նաև տեղական Մայր դիցուհու պաշտամունքի կենտրոնի՝ Սամուխայի վրա: Կարծում ենք, որ Սամուխա տեղանվան մեջ առկա է հինարիական (հին հնդիրանական) բարբառներից մեկի «առույթ» նշանակող բառը: Ինչպես տեսանք, հնդեվրոպական միևնույն նախածերից էին սերում միայն հայերենում և հին հնդկերենում պահպանված ինծ «ընծառույթ» և simha «առույթ» բառերը (< հ.-ե. \*sing'ho-) <sup>93</sup>: Ըստ երևույթին, Արևմտյան Եփրատի մեծ գալարի շրջանում հնագույն հայերենով խոսած էթնիկական տարրի կողքին ժամանակին պոյուլթյուն է ունեցել արիական (հնդիրանական) ընդհանրություն մի հատված, որի բարբառը ինչ-որ չափով տարբերվել է հին հնդկերենից՝ նրա simha-ի դիմաց ունենալով \*samha «առույթ» բառը: Այս վերջինն է, որ խեթական սեպագրության մեջ վերարտագրվել է Ša-mu-ha// Samuha ձևով: Որ խեթերենում միջնածայն u-ն հնչյունական արժեք չի ունեցել և վանկարար ձայնավորի դեր է կատարել, ցույց է տալիս նույն անվան Samaha (u-ի փոխարեն a-ով) տարբ-

<sup>88</sup> В. Х а ч а т р я н. Նշվ. աշխ., էջ 112, ծան. 264, Н. А р у т ю н я н. Топономика Урарту. Ереван, 1985, с. 230, 256.

<sup>89</sup> ՏԲ. հ. II, Երևան, 1988, էջ 379:

<sup>90</sup> Հայոց լեզվի պատմական քերականություն. հ. II, Երևան, 1975, էջ 88–89:

<sup>91</sup> Գ. Ջ ա ճ ո լ կ յ ա ն. Հայոց լեզվի պատմություն. նախագրային ժամանակաշրջան. Երևան, 1987, էջ 146, 147, 152:

<sup>92</sup> Т. В. Г а м к р е л и д з е, В. В. И в а н о в. Նշվ. աշխ., հ. II, էջ 506:

<sup>93</sup> Հ. Ա ճ ա ո յ ա ն. Հայերեն արմատական բառարան. հ. II, Երևան, 1973, էջ 243, Т. В. Г а м к р е л и д з е, В. В. И в а н о в. Նշվ. աշխ., հ. II, էջ 506, 507:



րակը<sup>94</sup>: Հինարիական ընդհանրությունն այս հատվածը առավել մոտ էր լինելու միտանիական արիացիներին, որոնց լեզվում ևս գոյություն ունեին ինչպես հին հնդկերենին, այնպես էլ հին իրանական լեզուներին ոչ բնորոշ օրինաչափություններ: Օրինակ, դրա մասին են խոսում «յոթ» թիվը նշող բառերի տարբեր արտասանությունները հնդիրանական այդ լեզուներում. հին հնդկ. *sapta*, ավեստ. *hapta*, միտանի-արի. *satta*<sup>95</sup>:

Դարանաղի գավառը գտնվում էր Մեծ Հայքի Բարձր Հայք աշխարհում Աղյուս և Եկեղիք գավառների միջև<sup>96</sup>: Դարանաղի տեղանունը տրոհվում է դարան- և -աղի բաղադրիչների, որոնցից երկրորդը տեղանվանակերտ վերջածանց է. հմմտ. Մանան-աղի, Մարդ-աղի, իսկ ուրարտական դարաշրջանից՝ *Aramali*<sup>97</sup>: Քննարկվող հարցերի տեսանկյունից հետաքրքրական է այն փաստը, որ Արևմուտքում Դարանալից/*Daranalis* և Դարան'հա (*-ali* տեղանվանակերտ վերջածանցի փոխարեն, վերջինում առկա է նրան համարժեք *-issa-ն*)<sup>98</sup> անուններից բացի Դարանաղին հայտնի է եղել նաև *'Analihla//Analihna* անվամբ<sup>99</sup>: Վերջինս հայկական \*(Հ)Ան-աղիւն ձևն է ենթադրում «իդական նախնի առյուծ» ստուգաբանությամբ: Դարանաղի տեղանվան առաջին բաղադրիչը դարան բառն է, որ «Աստվածաշնչում» և «Հայսմավուրքում»<sup>100</sup> դործածված է նաև «առյուծի որջ» իմաստով, իսկ ընդհանրապես նշանակում է «ամրանալու տեղ», «ծածուկ տեղ, ուր սլահ-վելով՝ թշնամու վրա անակնկալ հարձակում են գործում»<sup>101</sup>: Դարան-ը ևս -կարելի է բաժանել բաղադրիչների՝ դար- արմատ և -ան վերջածանց: Սրանցից դար-ը կարելի է բխեցնել Դարանաղի տարածքի հինարիական տարրի լեզվից. հմմտ. հին հնդկ. *dara/dari* «խոռոչ, անձավ, որջ»<sup>102</sup>: Հայերեն դարան-ը իրանական փոխառություն համարելով հանդերձ, Հ. Աճառյանն ափելացնում է, որ մեր բառը կարելի է բխեցնել \**dar-* «ճեղքել» արմատից, որով ավեստյան *darana-*ն նույնանում է սանս. *dharana* «փաստար, խոռոչ, ծնրպ» բառի հետ և հայ. դարան «թաքստոց» բառի նախնական իմաստն է լինում «լեռան մեջ ճեղք և այլն», ինչպես ցույց է տալիս վրաց. դարանի

<sup>94</sup> КВо, III, 4, Հե, III, 45.

<sup>95</sup> Т. В. Г а м к р е л и д з е, В. В. И в а н о в. Նշվ. աշխ., Հ. II, էջ 547, ծան. 1: *U. Եր և մ յ ա ն*. Նշվ. աշխ., էջ 49, 106:

<sup>96</sup> *U. Եր և մ յ ա ն*. Նշվ. աշխ., էջ 49, 106:

<sup>97</sup> Ն. Ա դ ո ն յ ց. Նշվ. աշխ., էջ 211, Н. А д о н ц, Նշվ. աշխ., էջ 56, Г р. К а п а н ц я н. Նշվ. աշխ., էջ 443, 445:

<sup>98</sup> Н. А д о н ц. Նշվ. աշխ., էջ 55, Г р. К а п а н ц я н. Նշվ. աշխ., էջ 444:

<sup>99</sup> Н. А д о н ц. Նշվ. աշխ., էջ 53:

<sup>100</sup> «Հայսմավուրքի» օրինակն է. «Հրամայեաց առիւծուն, եւ ելեալ դնաց ի դարանն իւր» (Նոր բառգիրք հայկազեան լեզուի. Հ. Ա, Երևան, 1979, էջ 603):

<sup>101</sup> Հ. Ա ճ ա ռ յ ա ն. Նշվ. աշխ., Հ. II, էջ 633: Դարան-ը նաև «առյուծի որջ» նշանակելու մասին կարող են, մեր կարծիքով, վկայել նաև ներկայիս Արտվյան քաղաքի շրջակայքի ուրարտական դարաշրջանի *Ulua(ni)* և դրա կենտրոնի *Dara(ni)* անունները (Н. А р у т ю н я н. Նշվ. աշխ., էջ 73, 206-207): Եթե սրանցից երկրորդը դարան բառն է (կամ դրա արմատակիցը), ապա առաջինը՝ *U-leu-a(ni)* ընթերցման դեպքում, բացահայտում է իր *-leu- <հ-б.\*leu-* «առյուծ» բաղադրիչը: *Ulua(ni)/\*Uleua(ni)* հմմտ. սեպ. *Manu-lu/Մանլու*, սեպ. *Alištu/Ալիստե*, սեպ. *Buluš/Բղիւ* (Յ. Կ ա Ր ա Գ Ե Ո Վ Ե Ա Ն. Սեպագիր տեղանուններ. Այրարատում և հարակից նահանգներում. Երևան, 1998, էջ 82, 166-167):

<sup>102</sup> «Worterbuch Sanskrit-Deutsch» von Prof. Dr. Dr. habil Klaus Mylius. Leipzig, 1980. S. 202.

«Քարայր, ճեղք՝ ժայռի կամ հողի մեջ»<sup>103</sup>: Հայերենից փոխառյալ վրացերեն դարանի-ն հոլում է, որ հայերեն դարան բառի նախնական իմաստը ևս լինելու էր «քարայր»: Իսկապես, Դարանաղի գավառի Սեպուհ լեռը հանրահայտ էր իր քարայրներով: Գ. Սրվանձտյանցը նկատել է, որ Սեպուհ լեռը ճգնավորների և անապատականների համար «հարմար քարայրներ, խոռոչներ և ծածուկ ձորերը պատրաստ կընծայեր... և իրրև ապառաժ ու անբնակ լեռն՝ կընար խուղարկվել թաղուն մնալ»<sup>104</sup>: Կարծում ենք, որ դարան-ի նախնական «քարայր» իմաստից են ածանցվել «առյուծի որջ» (կամ առհասարակ՝ «գազանի որջ») և «ծածուկ տեղ, ամրանալու տեղ» իմաստները:

Բանն այն է, որ քարայրները դեռևս խոր նախնագարից նախամարդու և այրաբնակ գազանների միջև մղված արյունահեղ պայքարի առարկա են եղել: «Այրերին տիրապետելը եղել է նեանդերթալյան տիպի մարդու խոչոր նվաճումներից մեկը, մանավանդ, որ այդ այրերը նախապես ծառայում էին որպես վայրի կենդանիների պատսպարման վայրեր: Նրանց դուրս վանելու համար մարդը դիմում էր զենքի և հատկապես կրակի օգնությունը»<sup>105</sup>: Քարայրների առկայությունը պատճառով է, որ Հայկական լեռնաշխարհի հինքարեդարյան բնակավայրերի խմբավորումների հանդիպում ենք հենց լեռնային շրջաններում: Գազաններից խլված քարայրները դարձել էին հինքարեդարյան մարդկանց օջախներ ունեցող հաստատուն-տեղական կացարաններ<sup>106</sup>: Միջին քարի դարում ևս Հայկական լեռնաշխարհի բնակավայրերը սովորաբար գտնվել են քարայրաշատ վայրերում<sup>107</sup>: Այդ և հետագա դարաշրջաններում քարայրաբնակ մեր նախնիների կյանքում տոհմի շարունակման և օջախի սլաշսլանման գործում համայնքի ղեկավար և տնտեսավար մոր ունեցած դերն է, որ պայմանավորել է Մայր դիցուհու բազմաչերտ պաշտամունքի մեջ ոչ միայն օջախ, այլև քարայրների ու դրանց նախնական բնակիչների՝ գիշատիչ գազանների, պաշտամունքների ներառումը:

Առասպելաբանական մտածողությունում, քարայրների նախնական բնակիչ առյուծների, ընձառյուծների և մյուս գիշատիչ գազանների էգերը (մայր գաղանը), որպես մայրական սկզբունքը կրող էակներ, զուգադրվել են պտղաբերության, բերրիության ու առատության հովանավոր Մայր դիցուհու հետ և համարվել նրա նախնական դրսևորումները: Այսուհանդերձ, քարայրաշատ վայրերը՝ մասնավորապես Դարանաղին, միայն «առյուծի որջ» լինելու և օջախ ունենալու պատճառով չէ, որ դարձել են Մայր

<sup>103</sup> Հ. Ա ճ ա ո յ ա ն. նշվ. աշխ., հ. I, էջ 633:

<sup>104</sup> Գ. Սրվանձտյանց. նշվ. աշխ., հ. II, էջ 348:

<sup>105</sup> Ս. Ս ա ռ դ ա ը յ ա ն. նախնագարյան հասարակությունը Հայաստանում. Երևան, 1967, էջ 74:

<sup>106</sup> Նույն տեղում, էջ 88:

<sup>107</sup> Նույն տեղում, էջ 111: Քարայրները ոչ միայն ապաստարան, այլև կացարան են ծառայել անգամ XX դ.: Հին Աղյուս գավառի տարածքում եղած բազմաթիվ քարայրների նման դործածության մասին հետաքրքիր տեղեկություններ է հաղորդում բնիկ արմատացի Հակոբ Մնձուրին. «Մեր դյուղին լեռներն էին, մենք ու խաչնարած քուրդերը կային, որոնք ձմեռը իրենց հոտերով Ղարապուտախի ու Եփրատի քարայրները կձմեռեին, իսկ ամառը Ղարա Սըրթի այս արտոները կբարձրանային» (Հ. Մ ն ձ ու ը ը ի. նշվ. աշխ., էջ 238):

դիցուհու պաշտամունքի կարևոր կենտրոններ: Դարանաղիի Անի քաղաքի անվանական երկվորյակ շիրակյան Անին, էգ առյուծը զինանշան ունենալով Հանդերձ, որպես Մայր դիցուհու պաշտամունքի Հնագույն կենտրոն նախ և առաջ պարտական է եղել իր քարայրաշատ վայր լինելուն<sup>109</sup>, որովհետև նախնադարի մարդկանց առասպելաբանական պատկերացումներում քարայրը ընկալվում էր նաև երկրի (ուրեմն, նաև նրան անձնավորողների) vagina<sup>110</sup>: Դարանաղիի (<\*դարան-աղի) «առյուծի որջ» եղած քարայրները, ըստ այսմ, առասպելաբանական մտածողությամբ ընկալվել են որպես նախ «էգ առյուծի», ապա՝ նրա Հետնորդ Մայր դիցուհու ստղաբեր սրգան և հաճախ վերածվել սրբավայրերի:

Քարայրները՝ որպես Մայր դիցուհու Հնագույն սրբավայրեր, մեր կարծիքով, պատճառ են դարձել այնպիսի բառերի երևան գալուն, ինչպիսիք են դարին-ը (դար-ին Հմմտ. լուս-ին, կարդ-ին, դեղ-ին և այլն) և դարասու-ը (դար-ասա Հմմտ. առագ-աստ, զգ-աստ, իմ-աստ և այլն): Սրանցից առաջինը «արբութիւն սրբոյն յաւիտենից»<sup>110</sup>, իսկ երկրորդը՝ «գրախտ»<sup>111</sup> է նշանակում:

## ИСТОКИ КУЛЬТА ВЕЛИКОЙ БОГИНИ ИЗ САМУХИ

САРГИС ПЕТРОСЯН

### Резюме

Город Самуха находился на востоке Хеттской державы и считался спорной территорией между хеттами и хайасцами. Самуха была известна культом богини Inanna// Иштар, которую, как Великую богиню, изображали стоящей на льве или в окружении львов. Район Самухи позже у древних армян был известен под именами Աղիւն и Աւիւծ. Последнее слово означает "лев" и, по нашему мнению, является переводом более древнего названия района, т.е. Աղիւն, тоже означает "лев": Աղիւն < a-liu-n, где компонент -liu- < и.-е. leu- "лев". На основании сказанного мы можем этимологизировать и топоним *Самуха*, считая его результатом такого же мифологического мышления: хеттск. Samuha < Samha "лев" (ср. др.-инд. siṃha "лев"). Район среднего течения реки Западный Евфрат древние армяне называли Դարանաղի (< Դարան- + топонимический суффикс -աղի). В основе этого топонима лежит др. арм. слово դարան, как "тайное место", "укрытие", так и "берлога льва" (например, в переводе Библии). При помощи первоначального значения этого слова выявляются истоки "львиного" компо-

<sup>108</sup> Հ. Պ ե տ ռ ո ս յ ա ն. Մի Հին պաշտամունքի հետքերը միջնադարյան Անիում. — «ՀՀ ԳԱԱ Շիրակի Հայագիտական Հետազոտությունների կենտրոն. Գիտական աշխատություններ», IV, Գյումրի, 2001, էջ 98–99:

<sup>109</sup> В. Н. Т о п о р о в. Пещера. — МНМ, т. II, с. 311.

<sup>110</sup> Բառգիրք Հայոց (քննական բնագիրը, առաջաբանը և ծանոթագրությունները՝ Հ. Ամասյանի). Երևան, 1975, էջ 75:

<sup>111</sup> Նույն տեղում, էջ 74:



нента в культе Великой богини. По мифологическим воззрениям древних людей, пещера, т.е. берлога льва – это одновременно лоно матери-земли, а образ львицы – первоначальной хозяйки пещер, символ материнства. По этой причине образ львицы впоследствии стал атрибутом тех богинь, которые олицетворяли мать-землю.

## THE ROOTS OF THE CULT OF THE GREAT GODDESS FROM SAMUHA

SARGIS PETROSYAN

### S u m m a r y

The town of Samuha was situated in the East of the Hittite state and was considered an arguable territory between the Hittites and the Hayasas. Samuha was famous for its cult of goddess INANNA=Istar, who, as the Great Goddess, was represented either standing on a lion or accompanied by lions. District of Samuha later was known among the ancient Armenians by the names Աղիւն and Առիւծ. Both these placenames as well as Samuha mean "lion" (Hittite Samuha<\*Samha Cf: Old Ind. simha "lion"). The ancient Armenians called the neighbouring district Դարանաղի (<դարան-աղի), in which the component "դարան" means "shelter" and "a lion's den". The original meaning of this word was "a cave". According to the ancient mythological views the cave was not only "a lion's den", but also the lap of the Mother Earth. Naturally, later the image of the lioness became the attribute of the goddesses personifying the Mother Earth.